



Rico Valär e l'avat Vigeli Monn, il nov avat da la claustra da Mustér, en discurs.

MAD

In «Discurs» cun avat Vigeli Monn

■ (cp) Il nov avat da la claustra da Mustér, Vigeli Monn, è il proxim giast en l'emissiun «Discurs» dals Cuntrasts da Radiotelevision Svizra Rumantscha (RTR) sin SF 1. L'emissiun vegn moderada quatter giadas ad onn da Rico Valär. En il «Discurs» da dumengia, ils 20 da matg 2012 a las 17.25 sin SF 1 è avat *Vigeli Monn* il proxim giast da *Rico Valär*. El quinta da sia clamada, da plaschairs e crisas en la vita claustrala e da las sfidas en il nov uffizi.

Avat Vigeli Monn (47) è oriund da Tujetsch ed è il pli giuven pader da la claustra da Mustér. Ils 19 d'avrigl 2012 è el vegni elegì sco successur da *Daniel Schönbächler*. Cun 23 onns, l'onn 1988, è el entrà en la cuminanza benedictina da Mustér, nua ch'el lavura sper ses uffizis er sco magister da latin e da religiun. El è stà statalter e lura decan da la claustra. L'elecziun d'avat Vigeli, l'emprim avat rumantsch a Mustér dapi quasi 100 onns, ha gì grond resun en Surselva ed en tut il Grischun. Per

la messa da consecraziun ils 6 da matg 2012 è sa radunada ina gronda raspada en la baselgia da s. Martin. Da quest mument emoziunal, da la vita tenor la regla da s. Benedetg, da ses nov motto e da l'avegnir da la claustra discorra el cun Rico Valär.

L'emissiun «Discurs» vegn emessa sin SF 1 en ils «Cuntrasts» da la Televisiun Rumantscha (TR) sco suonda:
dumengia, ils 20-05-2012, 17.25 sin SF 1
dumengia, ils 21-10-2012, 17.25 sin SF 1
dumengia, ils 30-12-2012, 17.25 sin SF 1